

“ТАСДИҚЛАНГАН”

“Тадбиркорликни ривожлантириш
компанияси” акциядорлик жамияти

Кузатув кенгашининг

2024 йил “29” февралдаги

2/24 - сон йиғилиш баённага

4 – илова

(Кузатув кенгашининг 2024 йил
“29” апрелдаги 6/24- сон, “2” октябрдаги
9/24- сон ва “23” декабрдаги
11/24- сон йиғилиш баёнлари билан
үзгартишии ва қўшимчалар киритилган)

**“ТАДБИРКОРЛИКНИ РИВОЖЛАНТИРИШ КОМПАНИЯСИ”
АКЦИЯДОРЛИК ЖАМИЯТИ ТОМОНИДАН КАПИТАЛГА УЛУШ
КИРИТИШ ТАРТИБИ ТЎҒРИСИДАГИ
НИЗОМ**

“КИРИТИЛДИ”

“Тадбиркорликни ривожлантириш
компанияси” акциядорлик жамияти
Ижроия органи

Тошкент 2024 – йил

МУНДАРИЖА

1-боб. Умумий қоидалар

2-боб. Очиқ танлов үтказиш тартиби

3-боб. Улуш киритиш ёрдамини тақдим этишнинг асосий шартлари ва унга қўйиладиган талаблар

4-боб. Улуш киритиш ёрдамини тақдим этиш шартномасини расмийлаштириш тартиби

5-боб. Улуш киритиш ёрдамини тақдим этиш шартномаси иштирокчиларининг ҳуқуқ ва мажбуриятлари

6-боб. Якуний қоидалар

1-боб. Умумий қоидалар

1. Ушбу Низом Ўзбекистон Республикасининг “Акциядорлик жамиялари ва акциядорларнинг ҳуқуқларини ҳимоя қилиш тўғрисида”ги Қонуни ва Ўзбекистон Республикаси Президентининг 2023 йил 10 ноябрдаги ПФ-193-сон Фармонига мувофиқ ишлаб чиқилган бўлиб, “Тадбиркорликни ривожлантириш компанияси” акциядорлик жамияти (кейинги ўринларда – Компания) томонидан кичик ва ўрта тадбиркорлик субъектлари устав капиталига улуш киритиш ёрдамини тақдим этиш жараёнини тартибга солади.

2. Мазкур низомда қўйидаги асосий тушунчалардан фойдаланилади:

устав капиталга улуш киритиш — томонларнинг устав капиталга улуш киритиш шартномасига кўра кўчмас мулк обьектлари, асбоб-ускуналар ва бошқа кўринишдаги активлар (битим обьекти)ни сотиб олишни ва уни лойиҳа ташаббускорига тақдим этиш орқали унинг устав капиталига улушдор бўлиб киришни назарда тутадиган ёрдам тури.

битим обьекти — тадбиркорлик фаолияти учун фойдаланиладиган ҳар қандай, жумладан кўчмас мулк обьектлари, мулкий комплекслар, асбоб-ускуналар, хом-ашёлар ва бошқа кўринишдаги активлар (бошқа табиий обьектлар, шунингдек муомаладан чиқарилган ёки муомалада бўлиши чекланган бошқа мол-мулклар бундан мустасно);

битим субъекти — Компания, лойиҳа ташаббускори ҳамда мавжуд бўлган тақдирда сотувчи;

войиҳа ташаббускори — улуш киритиш ёрдамини тақдим этиш шартномаси бўйича битим обьектини эгалик қилиш ва фойдаланиш учун олаётган шахс;

салоҳиятли инвестор — тўлов қобилиятига эга бўлган ўн икки ойдан ортиқ фаолият юритаётган ҳамда:

мурожаат санасида камидан ўттиз беш нафар кишини иш билан таъминлаган ўрта тадбиркорлик субъектига мансуб корхоналар;

мурожаат санасида камидан ўн беш нафар кишини иш билан таъминлаган ва йиллик даромади 6 миллиард сўмдан юқори бўлган кичик тадбиркорлик субъектига мансуб корхоналар;

сотувчи — битим обьектини Компанияга сотадиган шахс;

очик танлов — улуш киритиш ёрдамини тақдим этиш юзасидан Компания томонидан эълон қилинган жараён;

Компаниянинг ваколатли органи — лойиҳаларни танлаб олиш ҳамда уларни молиялаштириш масаласида қарор қабул қилувчи Компаниянинг масъул коллегиал органи (тегишли буйруқ асосида тайинланади);

улуш киритиш ёрдами муддатининг бошланиши — улуш киритиш ёрдамини тақдим этиш шартномасига мувофиқ лойиҳа ташаббускорининг битим обьектига эгалик қилиш ва фойдаланиш ҳуқуқини амалга оширишни бошлаган сана, яъни битим обьектини дастлабки (бошланғич) тан олиш санаси;

улуш киритиш ёрдами тўловлари — битим обьектининг умумий баҳосини лойиҳа ташаббускори томонидан қопланиши ҳамда Компаниянинг дивиденд кўринишидаги даромади йиғиндиси;

3. Компания улуш киритиш ёрдами шартномаси муддати тугаганидан кейин киритилган улуш лойиха ташаббускори (молиявий шерик)га таклиф этилади, сотиб олишни рад этган тақдирда аукцион савдолари ва/ёки түғридан түғри бошқа салоҳиятли инвесторга сотилиши мумкин.

4. Улуш киритиш ёрдами молиявий барқарор бўлган хўжалик юритувчи субъектларига тўловлилиқ, қайтаришлиқ ва мақсадга мувофиқ фойдаланишилик тамойиллари асосида амалга оширилади.

5. Улуш киритиш ёрдами ўн икки ойдан ортиқ фаолият юритаётган ҳамда:

мурожаат санасида камида ўттиз беш нафар кишини иш билан таъминлаган ўрта тадбиркорлик субъектига мансуб корхоналарга;

мурожаат санасида камида ўн беш нафар кишини иш билан таъминлаган кичик тадбиркорлик субъектига мансуб корхоналарга тақдим этилади.

6. Лойиха ташаббускори Компанияга ариза билан мурожаат этиш даврида ёмон кредит тарихига эга бўлмаслиги, бюджет олдида муддати ўтган қарздорликлари мавжуд бўлмаслиги, тугатиш жараёнида ва банкротлик иши қўзғатилмаган бўлиши ҳамда корхона зарар билан фаолият юритаётган бўлмаслиги лозим.

7. Улуш киритиш ёрдами лойиха ташаббускори томонидан бевосита қонунчиликда тақиқланмаган барча турдаги тадбиркорлик фаолиятини амалга ошириш мақсадида тақдим этилади, 2-иловадаги лойиха йўналишлари бундан мустасно.

8. Компания олдида амалда тақдим этилган молиявий ёрдамлар бўйича муддати ўтган қарзи мавжуд бўлган корхоналарга мазкур қарздорликлар тўлиқ сўндирилгунга қадар янги инвестиция киритилмайди.

9. Битим обьектини улуш киритиш ёрдами шартномасига асосан кейинчалик лойиха ташаббускорига топшириш учун сотиб олиш масаласи бўйича тегишли қарор қабул қилиш Компаниянинг ваколатли органи томонидан амалга оширилади.

10. Ушбу Низомда кўзда тутилмаган бошқа ҳолларда, қарор Кузатув кенгаши томонидан қабул қилинади.

11. Улуш киритиш ёрдамини тақдим этиш ва ишларни мувофиқлаштириб бориш Лойиҳаларни бошқариш маркази (кейинги ўринларда - Марказ) томонидан амалга оширилади.

2-боб. Очиқ танлов ўтказиш тартиби

12. Танлов Компания томонидан эълон қилинади ҳамда лойиха ташаббускорлари лойиха анкетасини тизим ёки электрон почта орқали киритади.

13. Киритилган анкета маълумотлари Низомнинг 5, 6 ва 7-бандларида кўрсатилган мезонлар бўйича скоринг таҳлилдан ўтказилади.

14. Скоринг текширувидан муваффақиятли ўтган анкеталар бўйича лойиҳалар Компаниянинг худудий вакили, у бўлмаган ҳолларда Марказ ходими томонидан жойига чиқиб дастлабки ўрганишдан ўтказилади. Бунда қўйидагилар ўрганилади:

loyiҳanining белгиланган худудда амалга оширилишининг мақсадга мувофиқлиги;

керакли инфратузилманинг мавжудлиги;

лойиҳани амалга ошириш учун Компаниянинг улусидан ташқари ўзининг улуси манбаалари мавжудлиги (шаклланганлиги);

лойиҳанинг келажақдаги истиқболи ва бошқалар.

15. Ўрганиш натижаси бўйича худудий вакил, у бўлмаган ҳолларда Марказ ходими ҳар бир лойиҳа бўйича ўз хulosасини тақдим этади.

16. Улуш киритиш ёрдами кўрсатиладиган ташаббускор лойиҳани амалга ошириш жараёнида яратиладиган иш ўринлари сонидан келиб чиқиб камайиб бориш тартибида саралаб олинади ва худудга ажратилган лимит доирасида тақдим этилади.

17. Компания очик танлов жараёнлари босқичларини ўзининг расмий сайти ва ижтимоий тармоқларида лойиҳалар кесимида маълумотларни эълон қилиб боради.

3-боб. Улуш киритиш ёрдамини тақдим этишининг асосий шартлари ва унга қўйиладиган талаблар

18. Улуш киритиш ёрдами бўйича кўриб чиқилиши кўзда тутиладиган битимининг максимал миқдори:

кичик тадбиркорлик субъектларига мансуб корхоналарга лойиҳа қийматининг 70 фоизи, бироқ устав капиталининг 50 фоизигача ёки 3 миллиард сўмдан;

ўрта тадбиркорлик субъектларига мансуб корхоналарга лойиҳа қийматининг 70 фоизи, бироқ устав капиталининг 50 фоизигача ёки 5 миллиард сўмдан ортиқ бўлмаслиги лозим.

Шунингдек, мурожаат санасида камида ўн беш нафар кишини иш билан таъминлаган ўрта тадбиркорлик субъектига мансуб корхоналарга ҳам кичик тадбиркорлик субъектига мансуб корхоналарга тақдим этиладиган шартлар доирасида улуш киритиш ёрдами тақдим қилиниши мумкин.

19. Улуш киритиш ёрдами бўйича молиялаштириледиган маблағ суммаси сотиб олиниши кўзда тутилаётган объектнинг бозор баҳоси (мустақил баҳоловчи ташкилот томонидан аниқланган) ва/ёки шартнома баҳосидан келиб чиқсан ҳолда Компаниянинг ваколатли органи томонидан белгиланади.

20. Ишлаб чиқарилганига 1 йилдан ортиқ ёки илгари фойдаланишда бўлган асбоб-ускуналарини сотиб олиш учун улуш киритиш ёрдами тақдим этилмайди.

21. Бино-иншоотлар ҳамда илгари фойдаланишда бўлган ускуналарнинг (мулкий комплекс/тайёр бизнес) мустақил баҳолаш ҳисоботидаги қиймати, шу билан бирга янги асбоб-ускуналарнинг мустақил консалтинг ташкилотлари хulosаси асосида тасдиқланган шартнома қиймати келажакда Компания томонидан битимларни тузиш ҳамда тўловни амалга ошириш учун асос бўлади. Нархнинг хаққонийлиги бўйича жавобгарлик лойиҳа ташаббускори, мустақил баҳолаш ташкилоти ҳамда консалтинг фирмаси зиммасида қолади.

22. Улуш киритиш ёрдами обьекти бўлиб, тадбиркорлик фаолияти учун лойиҳа доирасида фойдаланиледиган ҳар қандай активлар, шу жумладан мулкий комплекслар, бино-иншоотлар, ускуналар, бошқа кўчар ва кўчмас мулк ҳамда хом-ашёлар иштирок этиши мумкин.

23. Улуш киритиш ёрдами обьекти сифатида қуйидагилар қабул қилинмайди:

ишлиб чиқариш муддати 1 йилдан ошган кўчар мулклар;
корхона худуди ичида жойлашган ва қурилишнинг бевосита қизил чизифига
чиқиш имкони бўлмаган бино-иншоотлар ва ерлар;
умумий ер майдонида жойлашган ва турли мулқдорларга тегишли бўлган
иморатлар ва ерлар;
мустақил баҳоловчи ташкилот томонидан эскириш даражаси 60 фоиздан
кўпроғини ташкил этилганлиги белгиланган асбоб-ускуналар;
мажмуанинг умумий технологик занжиридан мустақил равища фойдаланиш
имкониятига эга бўлмаган алоҳида ускуналар;
бошқа бинолар билан умумий конструкциявий унсурларга эга иншоотлар ва
ерлар (масалан: асосий бино билан умумий деворга эга иморат);
ўзининг тарихий, маданий ёки бошқа қиймати туфайли, ёхуд бошқа сабабларга
кўра гаровга қўйилиши, давлат тасарруфидан чиқарилиши, хусусийлаштирилиши ва
қайтариб олиниши мумкин бўлмаган мулк;
қонунчиликка биноан ундирилиши таъкиқланган фуқаролар мулкининг
алоҳида тури.

24. Битимнинг максимал муддати: 7 йил.

Улуш киритиш ёрдами бўйича молиялаштирилган маблаг(киритилган улуш)
Компания томонидан бир вақтнинг ўзида шу қийматда 7 йил муддатгача бўлиб тўлаш
шарти билан лойиҳа ташаббускорига сотилади.

Лойиҳа ташаббускори томонидан тўловлар тўлиқ амалга оширилгунга қадар
Компаниянинг дастлаб киритган улуш доирасида иштирокчилиги(таъсисчилиги) ва
дивиденд олиш хуқуки сақланади.

25. Улуш киритиш ёрдами муддатини ўрнатилган чекловлар доирасида
аниқлаш турли хил принциплардан келиб чиқсан ҳолда белгиланади, жумладан:

битим объективининг фойдаланиш муддатидан;

ложиҳанинг устуворлик эҳтимолидан (хукumat қарор ва баённомаларига
асосида);

ложиҳа ташаббускорининг тўловга қобилиятидан;

бошқалар.

26. Улуш киритиш даврида корхонанинг ишлиб чиқариш/хизмат кўрсатиш
рентабеллиги кўрсаткичи 10 фоиздан кам бўлмаслиги лозим. Мазкур кўрсаткич
куйидагилар билан тавсифланади:

$$ИЧР = \frac{СФ}{СМИЧТ} \times 100\%$$

ИЧР — ишилб чиқарииши (маҳсулотлар сотиши) бўйича рентабеллик;

СФ — соғ фойда;

*СМИЧТ — сотилган маҳсулот (иши, хизмат)ларнинг ишилб чиқарииши
танинархи.*

4-боб. Улуш киритиш ёрдамини тақдим этиш шартномасини расмийлаштириш тартиби

27. Тўлов қобилияти ва лойиҳанинг самарадорлиги бўйича хулоса тайёрланиши учун лойиҳанинг тавсифидан келиб чиқсан ҳолда зарур ҳужжатлар тақдим этилиши шарт. Шунингдек, Компания кўриб чиқилаётган лойиҳага тааллуқли қўшимча маълумотларни талаб этишга ҳақли.

28. Шу билан бирга, Компания “Лойиҳаларни ва импорт контрактларини комплекс экспертиза қилиш маркази” ва бошқа ваколатли ташкилотлар хулосаларини талаб қилиш ҳуқуқига эга.

29. Лойиҳа ташаббускори томонидан тегишли ҳужжатлар тўплами тўлиқ тақдим қилинмаган тақдирда, Компания ҳужжатлар тўлиқ йигилмагунга қадар қабул қиласмаслик ва қайтариш ҳуқуқига эга.

30. Лойиҳа бўйича барча ҳужжатлар кичик ва ўрта тадбиркорлик субъектлари томонидан Компанияга ёки Компаниянинг худуддаги вакилига молиявий ахволини ва таклиф қилинаётган лойиҳанинг самарадорлигини баҳолаш учун тақдим қилинади.

31. Тақдим қилинган ҳужжатлар таҳлили натижаси бўйича Марказ томонидан тегишли хулоса расмийлаштирилади ва Компаниянинг ваколатли органи муҳокамасига киритилади.

32. Компаниянинг ваколатли органи томонидан маъқулланган лойиҳалар қарор қабул қилиш учун Кенгашнинг навбатдаги йиғилиши кун тартибига киритилади.

33. Кенгаш томонидан ижобий қарор қабул қилинганда, Компания томонидан лойиҳа ташаббускорини, улуш киритиш ёрдами бўйича битим муносабатларини амалга ошириш ва улуш киритиш ёрдами шартномасини расмийлаштириш юзасидан хабардор қиласади.

34. Ижроия органи томонидан белгиланган миқдорда ҳужжатларни кўриб чиқсанлик учун тарифга биноан бир марталик воситачилик ҳақи ундирилиши мумкин.

35. Битим объектини фойдаланишга қабул қилиш далолатномаси имзоланиб, мулкка эгалик қилиш ва ундан фойдаланиш ҳуқуқи лойиҳа ташаббускорига ўтганидан сўнг улуш киритиш ёрдами битими амалга оширилган ҳисобланади.

Устав капиталга улуш Компания пул маблағлари ҳисобидан шакллантирилган ҳолларда, пул маблағлари ўтказиб берилган санадан улуш киритиш ёрдами битими амалга оширилган ҳисобланади.

36. Таъсис ҳужжатларини имзолаш компаниянинг худудий вакили, у бўлмаган ҳолларда Марказ ходими ёки бошқа ваколатли шахс томонидан амалга оширилади.

37. Улуш киритиш ёрдами муддати лойиҳа ташаббускори томонидан битим объектини фойдаланишга қабул қилиш далолатномаси имзоланган пайтдан бошланади.

38. Битим объектини фойдаланишга қабул қилиш далолатномаси битими иштирокчилари: Компания, лойиҳа ташаббускори ва мавжуд бўлган ҳолларда сотувчи томонидан имзоланади.

39. Компания ҳар бир улуш киритиш ёрдами бўйича унинг тавсифидан келиб чиқкан ҳолда ҳужжатлар йигмажилдини шакллантиради. Ҳужжатларнинг тўлиқлиги бўйича жавобгарлик Компаниянинг ҳудудий вакилига юклатилади.

40. Улуш киритиш ёрдамини тақдим этиш шартномасига мувофиқ лойиҳа ташаббускорига улуш киритиш ёрдамининг бутун даврига битим объектига эгалик қилиш ва ундан фойдаланиш ҳуқуқи берилади.

41. Битим объектини етказиш, ўрнатиш ва фойдаланишга тайёр қилиб бериш билан боғлиқ барча харажатлар келишувга биноан сотувчи ёки лойиҳа ташаббускори томонидан қопланади.

42. Агар лойиҳа ташаббускори асбоб-ускуналарни белгиланган манзилга етказилган кундан бошлаб 10 (үн) иш куни ичida Компанияга битим объектини фойдаланишга қабул қилиш далолатномасини тақдим қилмаса ёки нуқсонлар мавжудлиги тўғрисида хабардор қилмаса, битим объекти қабул қилинган деб ҳисобланади.

43. Лойиҳа ташаббускори, сотувчи томонидан улуш киритиш ёрдами асосида сотиб олинган объектга берилган техник кафолатдан фойдаланади.

44. Улуш киритиш ёрдамини тақдим этиш шартномасида битим объектини ўз вақтида етказиб берилиши, бутлиги ва унинг нуқсонлари бўйича ҳамда уни ўрнатишга доир мажбуриятларнинг бажарилиши бўйича сотувчидан талаб қилиш ҳуқукини лойиҳа ташаббускори ўз зиммасига олиши белгиланиши лозим.

45. Битим объекти келажакда йўқотишларга қарши лойиҳа ташаббускори томонидан суғурта қилиши лозим.

46. Лойиҳа ташаббускори улуш киритиш ёрдамини тақдим этиш шартномаси муддати тугашидан олдин исталган вақтда тўловларни муддатидан аввал тўлиқ амалга оширган ҳолда Компания улушкини тўлиқ сотиб олиши мумкин. Тўловлар тўлиқ амалга оширилган кундан бошлаб шартномаси шартлари тўла бажарилган ҳисобланади.

Муддати тугашидан олдин сотиб олиш ёки шартномани бекор қилиш натижасида киритилган улуш доирасида дивиденд ҳисоблаш имкони бўлмаган ҳолларда, томонлар келишувига кўра киритилган улущдан фойдаланилган давр учун Марказий банкнинг асосий ставкасида фоиз тўланиши мумкин.

5-боб. Улуш киритиш ёрдамини тақдим этиш шартномаси иштирокчиларининг ҳуқуқ ва мажбуриятлари

47. Агар улуш киритиш ёрдамини тақдим этиш шартномасида бошқача қоида назарда тутилмаган бўлса, Компания лойиҳа ташаббускори олдида сотувчининг битим объектини олди-сотди шартномасида белгиланган талабларни бажариши ҳамда кўрсатилган нархнинг рақобатбардошлиги (хаққонийлиги) юзасидан жавобгар бўлмайди.

48. Компания, киритилган улушкини келажакдаги қайтариласлик хатарини олдини олиш мақсадида қайтариласлик хатаридан суғурта қилиши мумкин. Бунда суғурта харажатлари Компания томонидан амалга оширилади, кейинчалик лойиҳа ташаббускори томонидан қоплаб берилиши назарда тутилади.

49. Компания қуидаги ҳолларда улуш киритиш ёрдамини тақдим этиш шартномасини муддатидан олдин бекор қилиш хуқуқига эга. Агар лойиха ташаббускори:

битим объектидан улуш киритиш ёрдамини тақдим этиш шартномасига мувофиқ фойдаланмаса ёки бир неча маротаба фойдаланиш шартлари бузилса;

битим объектининг ҳолатини жиддий равишда ёмонлаштиrsa;

икки маротаба кетма-кет битим объектидан фойдаланганлик учун тўловларни улуш киритиш ёрдамини тақдим этиш шартномасида белгиланган муддатлар ўтганидан кейин тўлиқ амалга ошираса;

улуш киритиш ёрдамини тақдим этиш шартномасида белгиланган муддатларда битим объектини капитал таъмирламаса;

қонун ҳужжатларида кўзда тутилган бошқа ҳолларда.

50. Лойиха молиялаштирилгандан (улуш киритиш ишлари якунига етганидан) сўнг лойиха бўйича ҳужжатлар рўйхати тайёрланади ва келажакда тегишли ва мониторинг ишларини амалга ошириш мақсадида Компаниянинг мониторинг бўйича масъул таркибий тузилмасига тақдим этилади.

51. Тўлов графиги бўйича муддати ўтган қарздорлик 90 кун давомида қайтарилимаган тақдирда, ушбу қарздорлик (NPL) сўндирилгунга қадар мазкур лойиха тегишли ишларни амалга ошириш учун муаммоли активлар билан ишлаш бўйича масъул таркибий тузилмага ўтади.

6-боб. Якуний қоидалар

52. Улуш киритиш ёрдамини тақдим этиш шартномаси муддати тугаганида, тўловлар тўлиқ амалга оширилгандан сўнг, Компаниянинг капиталдаги улуси лойиха ташаббускори ёки бошқа салоҳиятли инвесторга ўтади.

53. Улуш киритиш ёрдамини тақдим этиш шартномасини тузиш ва у бўйича мажбуриятларни бажариш бўйича барча келишмовчиликлар, томонларнинг келишувига мувофиқ ҳал қилинади. Икки томонлама келишувга эришилмаган ҳолларда, келишмовчиликлар суд томонидан ўрнатилган тартибда қонунчиликка мувофиқ ҳал қилинади.

“Тадбиркорликни ривожлантириш компанияси” акциядорлик
жамияти томонидан капиталга улуш киритиш тартиби
тұғрисидаги низомга
1-илова

УЛУШ КИРИТИШ ЁРДАМИНИ ТАҚДИМ ЭТИШ СХЕМАСИ

| Босқичлар | Амалга ошириладиган ишлар | Масъуллар |
|-----------|---|---|
| 1-босқич | Тасдиқлаб берилген йүналишлар доирасыда танлов эълон қилиш. Бунда, танлов үтказиши даври ва шартлари Компаниянинг расмий веб сайты ва ижтимоий тармоқлари орқали эълон қилинади. | Кузатув Кенгаши, Марказ, Жамоатчилик билан ишлаш таркибий тузилмаси |
| 2-босқич | “Тадбиркор” ахборот тизими (кейинги ўринларда – Ахборот тизим) ёки электрон почта орқали ҳужжатларни тақдим этиш. | Лойиха ташаббускорлари |
| 3-босқич | Скорингдан үтган анкета маълумотлари дастлабки ўрганишдан үтказилади ҳамда дастлабки ўрганиш натижалари бўйича саралаб олинган лойиҳалар бўйича ташаббускор томонидан тегишли ҳужжатлар Ахборот тизимига киритилиши назорат қилинади. | Худудий вакил |
| 4-босқич | Лойиҳа ташаббускори томонидан Ахборот тизимга киритилган ҳужжатларни тўлиқлиги кўриб чиқилган ҳолда хулоса билан биргалиқда маълумотлар Ахборот тизим орқали Компанияга юборилади. | Худудий вакил |
| 5-босқич | Келиб тушган лойиҳалар дастлабки ҳужжатлар асосида очиқ танлов орқали танлаб олинади. | Компаниянинг ваколатли (коллегиал) органи |
| 6-босқич | Танлаб олинган лойиҳалар бўйича музокаралар үтказилади ҳамда лойиҳа ҳужжатлари қабул қилиб олинади. | Лойиҳа ташаббускори, Марказ |

| | | |
|-----------|---|--|
| 7-босқич | Лойиха хужжатлари асосида ташаббускорнинг түловга лаёқатлилиги ҳамда лойиханинг самарадорлиги бўйича мувофиқ хulosса тайёрланади. | Марказ |
| 8-босқич | Зарур бўлган кўчмас мулк ҳамда асбоб-ускуналарни сотиб олишни молиялаштириш учун қарор қабул қилинади. Танловда танлаб олинган лойихаларни расмий веб сайт ва ижтимоий тармоқларда эълон қилинади. | Компаниянинг ваколатли (коллегиал) органи, Кузатув Кенгаши, Жамоатчилик билан ишлаш таркибий тузилмаси |
| 9-босқич | Лойиха хужжатларини кўриб чиқканлик учун тарифга биноан тўлов амалга оширилади. | Лойиха ташаббускори |
| 10-босқич | Маъқулланган лойихалар бўйича зарур бўлган кўчмас мулк ва асбоб-ускуналарни сотиб олиш юзасидан битим ва бошқа хужжатлар имзоланади. | Раҳбарият, Юридик бўлим, Марказ |
| 11-босқич | Тузилган битимга асосана аукцион ёки тўғридан-тўғри шартнома тузиш орқали кўчмас мулк, ер участкаси ва/ёки ускуна ва бошқа активлар сотиб олинади. Бунда, сотиб олинаётган обьект кўчмас мулк бўлса, у ҳолда мустақил баҳоловчи ҳисоботи, агар ускуна бўлса аккредитациядан ўтган экспертиза ташкилотининг нарх бўйича экспертиза хulosаси талаб этилади. | Компаниянинг тегишли таркибий тузилмалари |
| 12-босқич | Битим обьектини суғурталаш тўғрисидаги шартномани имзолаш ва суғурта тўловларини амалга ошириш. | Компания, loyihxa ташаббускори, суғурта ташкилоти |
| 13-босқич | Битим обьектини фойдаланишга қабул қилиш. | Лойиха ташаббускори |

“Тадбиркорликни ривожлантириш компанияси”
акциядорлик жамияти томонидан капиталга улуш
киритиш тартиби тұғрисидаги низомга
2-илова

КОМПАНИЯ ТОМОНИДАН УЛУШ КИРИТИШ ЁРДАМИ ТАҚДИМ ЭТИЛМАЙДИГАН ЛОЙИХА ЙЎНАЛИШЛАРИ

1. Қиморхона ва биллиардхоналар, алкоголь ва тамаки маҳсулотлари ишлаб чиқариш ва (ёки) улар савдосини ташкил этиш;
2. Илгари олинган кредит (лизинг)ларни ёки бошқа ҳар қандай қарзни қайтариш;
3. Лизинг ва суғурта компаниялари фаолиятини ташкил этиш;
4. Улгуржи савдо, умумий овқатланиш ҳамда алоҳида ташкил этиладиган автомобилларга ёнилғи қуиши шохобчалари фаолиятини ташкил этиш ва амалга ошириш (бундан савдо ва сервис, йўл бўйи инфратузилма обьектлари, жумладан комплекс таркибида автомобилларга ёнилғи қуиши ҳамда савдо шохобчалари фаолиятини ташкил этиш, “яшил” технологияларни, жумладан электрмобилларни қувватлантириш фаолиятини ташкил этиш мустасно);
5. Енгил ва илгари фойдаланишда бўлган юк автотранспорт воситалари сотиб олиш (чет элдан олиб келинадиган юк автотранспорт воситалари бундан мустасно);
6. Қишлоқ хўжалиги йўналишида амалга ошириладиган лойиҳалар (бундан қишлоқ хўжалиги маҳсулотларини сақлаш, қайта ишлаш ва қадоқлаш лойиҳалари мустасно).